

Centar za žene i djecu u Srebrenici

Centar za žene i djecu u Srebrenici je osnovan 1997., koji djeluje kao integralni dio UHD Prijateljice Tuzla sve do marta 2002. kada se HO Amica Prijateljice Srebrenica osamostaljuje i pravno reguliše zasebno svoj status, kako bi se sve pravne norme poštivale i sprovodile u skladu sa postojećim zakonima. Sve aktivnosti u HO Amica Prijateljice u Srebrenici se odvijaju kroz rad sa ženama i djecom. Informisanje, obrazovanje i rad na pomirenju su tri glavne okosnice djelovanja centra, u kojem se mjesečno okuplja oko 110 žena te do 190 djece. Edukacija se sastoji od kurseva šivenja, engleskog jezika, računara i sito štampe. Oko 70 učesnika pohađa razne kurseve. Na polju informisanja obezbjeđuju se časopisi sa područja BiH, RHrvatske, SR Jugoslavije, Njemačke i Engleske; održavaju se tribine i okrugli stolovi na aktuelne teme (privatizacija, povratak, deložacija) te se posjećuju seminari iz oblasti mikrokreditiranja, liječenja traume, nenasilne komunikacije, kreativnog izražavanja slikanjem, itd. Pomirenje se praktično primjenjuje kroz rad kontakt grupe žena Tuzle i Srebrenice, učešćem na jednokratnom zajedničkom projektu izrade fotografija sa ženama iz Tuzle i gostovanjem članica na dosadašnje tri organizovane izložbe fotografija u Njemačkoj. Kontakt grupu čine dvije grupe od po 8 žena koje su vezane za Srebrenicu ili su prognane iz Srebrenice ili trenutno žive tamo ili su u procesu povratka u Srebrenicu. Njihova svrha je uspostavljanje dijaloga, a zajedničkim susretima i seminarima teže pomirenju te pripremaju se i pružaju podršku procesu povratka.

Rad sa školskom djecom se odvija kroz grupni i individualni rad kroz psihosocijalni tretman i pedagošku brigu o djeci o njima. Ovaj rad podrazumijeva i savjetodavni dio posvećen njihovim roditeljima kroz razgovore i uključivanje majki u aktivnosti centra. Rad sa tinejdžerima se odvija putem radionica, kreativnih aktivnosti i savjetodavne razgovore. Kao posebna aktivnost je rad sa djecom ometenom u razvoju. Dvije grupe djece one sa govornim manama i sa poteškoćama u razvoju imaju podršku stručnjaka defektologa.